


8. Uccâ Káijá-koddesäplig stuorrâ uđđâseh

Tiervâ tiervâ oppeet tääbbin Ukselmauáiváást!
Mun lam tot Ukselmauáiváš-tuoddâr kufittâr, Elsa,
kiäst láá stuorrâ peeljih.
Stuorrâ peljiiguin mun kuulâm uáli pyereest puoh tehálijd aášijd.
Stuorrâ peljiiguin mun kuulâm nuuvt uccâ ko meid stuorrâ-uv tuoddâr tâi vyevdi aášijd.
Mun jođám ain sijjvost tuoddârist já vyevdist,
ko talle kulá puohlágán jjáráskittee vyevdi mainâsijd.

Pieggâ lii vyevdist tot,
mii joođeet vyevdi poostâ já saavâid.
Ohtii pieggâ jođettij taggaar poostâ, ete Káijá-koddesäplig lâi finnim čiivgâid.
Pieggâ te muštâlij uccâ Káijá-koddesäplig stuorrâ uđđâs!
Mun meridim tállân vyelgiđ tiervättiđ Káijá-koddesäplig
já tuáivuttiiđ luho uđđâ perruujesâniđ keežild.


Tiäđáh-uv tun, ete mon hámásâš já stuárusâš Káijá-koddesäplig lii?
Káijá-koddesäplig lii uccâ jurssee.
Rävis koddesäplig lii suulân säplig matsâš
teikâ eđáččim-uv, ete ucánjáhháá stuárráb ko säplig.
Jurssen tot jurssá sierâlágán šaddoid já raasijd.
Kozzâseevtil lii ton hersku.
Puáhtá tot herskustálláđ meid kukái uurbijd purâmáin.



Jurssee taarbâš šiev paanijd, moiguin jurssed.
Káijá-koddesäpligist láá-uv kyehti melgád kuhes ovdâpääni.
Já ervidba maid?
Päänih iä nuuvâ, veikâ Káijá-koddesäplig jursáččij mon ennuv.
Ton ovdâpäänih šaddeh ton oles eellim ääigi!

Káijá-koddesäplig kossâ já times turkkâ lii muččád já kirjáá.
Iänááš tot lii kuovgád, mast láá tego hervân ruškis sárgáh.

Káijá-koddesäplig lii tuodârkoddesäplig.
Nommâ šadda tast,
ete tot iälá tuodârenâmist.
Jis koddesäpligeh šaddeh ennuv,
talle koddesäpligeh varriiškyetih eres sajan,
uuccâđ rávháľub aassâmkuávlu.



Talle,

ko toh láá ennuv já toh láá vaajâldmin,
taid puáhtá uáiniđ älkkeht.

Táválávt toh pish melgâdávť čähusist.

Vaajâldmist toh joteh siämmáá suundán, iäge toh karvattâl iäge čahhi.

Talle toh sättih pääcciđ meid autoi vuálá, mii lii soroláš.



Ko pieggâ lii puáhtám munjin saavâ eskân šoddâm čiivgâin,
te mun tuámittám tállân piervâlpoovná peht.

Mun kuovlâlim piervâlân.

Tobbeen Káijá orostâllii siemin čivgâiguin aaiabâs ráávhust.

Káijá muštâlij munjin,

ete čiivgah lijjii vala aaiabâs sovsâttemeh, kuovgisruopsâdeh

já čalmeh lijjii aaiabâs moskod.

Čiivgah lijjii uceh, te koččâmušâst lâi jiešalnees uccâ äšši.

Káijá-koddesäplig elimist tot lâi tuođâi stuorrâ uudâs.

Já kalehân šoddâm lii ain stuorrâ äšši.

Já tiäđust-uv muu mielâst uccâ koddesäpligčiivgah lijjii tuođâi stuorrâ äšši

já tuođâi stuorrâ vyevdi uudâs

já mielâkiddiivâš uudâs.



Mun tuáivuttim Káiján luho já adelim toos skenkkân kuámmir tievâ kozzâsiähtâl.

Káijá-koddesäplig lii pyerimielâin skenkkâst;

"ko njoomât čiivgâid, te kalga meid jieš puurrâđ pyereest", tot eedâi.

Tääl tast lii purrâmuš kuhes ääigi várás.

Ađai tággáár muu eellim lii tääbbin tuoddârist já vyevdist já jeegist.

Muu eellim lii luándu já ton tábâhtusâi čuávum.

Motomin tábâhtusah láá stuárráh,


motomin ucebeh,

motomin aaiabâs siemin, mutâ teháliih,

tego uccâ koddesäpligčiivgâi šoddâm.

Elska


Kufittâr vyevdiuddâsijd čaalij pajas Kristiina Aikio. Jurgâlus Tanja Kyrö.



Loppâculáidittem

1. Ivni mielđi orroo Káijá-koddesäplig kove! Sáárgu toos kuhes njunesoksâmijd, uánihis juol-
gijd, kyehti pastelis ovdâpääni sehe uccâ pieinis. Tun puávtáh meid sárguđ uccâ čiivgâid ton
paaldán. Sáárgu toos meid purrâmuššân siähtâl já kukái uurbijd.

Nommâ:



Nommâ:

